

SCRIPTA

Numéro Scripta : 3910

Auteur(s) : Robert, La Vieille-Lyre, Notre-Dame de Lyre (abbé)

Genre d'acte : charte

Authenticité : non suspect

Datation : 1281, décembre

Action juridique : notification

Langue du texte : latin

Analyse

L'abbé Robert et les moines de Lyre font savoir qu'ils ont obtenu du roi Philippe [III] l'autorisation de vendre l'enclos que le comte de Leicester Robert avait donné à leur prieuré Notre-Dame de Désert.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 981, p. 250-251.

Texte établi d'après a

Omnibus hec visuris, frater Robertus, divina permissione, abbas Lyre, totusque ejusdem loci conventus, eternam in Domino salutem. Notum facimus quod, cum prioratui nostro Beate Marie de Deserto a clare memorie Roberto comite Leycestrie, domino Britolii, quondam concessa fuisset in elemosinam sempiternam plesseia que est circa clausum dicti prioratus, libera et quieta ad ipsum clausum roborandum et custodiendum, prout in literis patentibus dicti comitis quas habemus pro dicto prioratu, plenius continetur, post multam precum instanciam, ab excellentissimo domino nostro, Philippo, Dei gratia, illustri rege Francorum, impetravimus licenciam vendendi plesseiam supradictam, ita quod hujusmodi usagium, videlicet ad roborandum et custodiendum dictum clausum, in aliis locis et membris bosci seu foreste domini regis petere non poterimus vel habere, quod usagium remanet nobis salvum in loco dicte plesseie, si post dictam vendam denuo reducatur ad boscum, et salvis remanentibus nobis et dicto prioratui nostro aliis usagiis, que in dictis literis continentur. In cujus rei testimonium, presentibus literis sigilla nostra fecimus appendi. Datum anno Domini M° CC° octogesimo primo, mense decembri.